



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Lincolnien. Et Elien. Episcopis, & Abbatи sancti Edmundi.

urn:nbn:de:hbz:466:1-20006

mus insuper ut nulli fratum &c. Ad hæc etiam inhibemus, ne cui Episcopo &c. Cūm autem generale interdictum &c. Chrisma verò &c. Prohibemus insuper ut infra fines &c. Ad hæc novas &c. Sepulturam quoque &c. Obeunte verò &c. Decernimus ergo &c. Salva sedis apostolica auctoritate, & diocesani Episcopi canonica justitia. Si qua igitur &c. Datum Laterani per manum Rainaldi Domini Papæ Notarij, Cancellarij vicem agentis, X I I. Kal. Iunij, Indictione secunda, incarnationis Dominicæ anno M C X C I X. pont. verò Domini Innocentij Papæ tertij anno secundo.

EPISCOPO ABULENSI.

EX parte dilectorum filiorum Capituli Abulensis fuit in audiencia nostra querimonia recitata, quod cūm homines tuæ dioecesis in castris & in ipsa civitate morantes, de tribus partibus frugum totius agriculturæ suæ, molendinorum etiæ & hortorū, & ruricolaे de quarta parte parochialibus Ecclesiis, à quibus ecclesiastica percipiunt sacramenta, decimas solvere teneantur, licet ministri Ecclesiarum ipsarum ferè nullos habeant redditus præter decimas unde valeant sustentari, domini prædictorum hortorum & molendinorum ipsa tradunt Saracenis in grave detrimentum Ecclesiarum & præjudicium excolenda, qui nolunt Ecclesiis, sicut olim Christiani solebant, freti potentia & favore illorum à quibus illis excolenda traduntur, decimas exhibere. Volentes igitur ipsis Ecclesiis & earum ministris super hoc, prout convenit, providere, fraternitatitua per apostolica scripta mandamus quatenus nisi Saraceni illi ad commotionem tuam cum ea integritate, qua Christiani solebant, prædictas decimas Ecclesiis voluerint exhibere, eis facias communionem à Christianis super mercionis rerum venalium & aliis penitùs denegari; Christianos illos, qui talibus contra formam mandati apostolici communicare præsumperint, à sua præsumptione per censuram ecclesiasticam appellatione remota compescens. Datum Laterani XII. Kal. Iunij.

LINCOLNIEN. ET ELIEN.
Episcopis, & Abbati sancti Edmundi.

Intra venerabilem fratrem nostrum Archiepiscopum & prædecessores

ejus ex una parte, ac dilectos filios Priors & monachos Cantuariensem. ex altera, super quibusdam capillis, quas ipsi Archiepiscopi laborarunt in præjudicium partis alterius, sicut monachi proponebant, jamdudum grandis & gravis qua-

chiepiscopum
Cantuariensem
& monaste-
riū componere
studeant.
Vide supra lib.
1. epif. cxxi.

stio pullulavit, pro qua prædecessores nostros & nos ipsos saepius oportuit apostolicas litteras destinare. Verum cūm in ipso negotio auctoritate litterarum nostrarum usque adeo processum sit ut capella de Lamhee diruta sit penitus & consumpta, præfatus Archiepiscopus prædecessorum suorum volens laudabile propositum adimplere, capellam ad honorem glorioforum martyrum Stephanii & Thomæ, in qua Canonicos præbendarios institueret, de novo fundare volebat de nostra licentia speciali. quod sibi per nuncios & procuratores suos de communione competere asserebat, contradictione partis alterius non obstante, cuius indemnitatē per idoneam & sufficientem cautionem poterat provideri. Sed neque per demolitionem capellæ præfatae de Lamhee suum dicebat desiderium retardandum: cuius opus ea potissimum ratione fuerat condemnatum, quod post denuntiationem novi operis, inhibitionem prædecessorum nostrorum, & appellatio nem ad sedem apost. interpositam, fuerat attentatum. Ceterum pro monachis fuit propositum ex adverlo, quod cūm mandatum nostrum ad ipsum Archiepiscopum & vos directum circa exeniorum Ecclesiarum & aliorum restitutionem adhuc non fuerit adimpletum, nec sotium scandalum ex ea causa subortum, nec constaret adhuc de præjudicio in posterum auferendo, eadem contradictionis causa durante non erat præfati Archiepiscopi petitio admittenda. Cūm autem hæc & similia fuissent utrinque in nostro auditorio allegata, nos volentes utrique partium pastorali solicitudine providere, de communis fratrum nostrorum consilio causam eandem sub ea forma vobis duximus committendam, ut ante omnia inter ipsos amicabiliter componere laboretis. Quod si forte desuper datum non fuerit, vos facta prius restituitione plenaria monachis memoratis eorum quæ ob hanc causam fuere subtrahita, inquiratis super his quæ præmissimus remoto appellationis obstaculo plenius veritatem; & si de partium voluntate processerit, ad diffinitivam sententiam

B b

378 Epistolarum Innocentij III.

procedatis; facientes quod decreveritis per censuram ecclesiasticam à partibus inviolabiliter observari. Alioquin gesta omnia in scriptis fideliter redigentes, ad nos ea sub litterarum vestrarum testimonio transmittatis; diem assignantes partibus competentem, quo recepturæ sententiam nostro se conspectui repræsentent: ad quem si qua earum venire contempserit, nos nihilominus in causa ipsa, quantum de jure poterimus, procedemus. Ad hæc, volumus & mandamus ut ad locum ipsum pariter accedentes, super statu Cantuarien. Ecclesia tam interiori quam exteriori inquiratis, appellatione remota, pleniū veritatem; & quicquid super his inveneritis, nobis fideliter intimetis; ut per relationem vestram certiores effecti, quod statuendum fuerit statuamus. Nullis litteris obstantibus præter assensum partium &c. Quod si omnes &c. duo &c. Datum Laterani XIV. Kal. Iunij.

ABBATI ET CONVENTVI de Certeſia.

Epist. 72.
De confirmatione decimorum.

CVM à nobis petitur &c. usque ad verbum assensu, decimas de Certeſia, de Eggeh. de Torp. & de Chabehan. ad opera vestri monast. deputatas, sicut eas justè ac sine controversia posſideris, auctoritate vobis apostolica confirmamus, & præsentis scripti pagina communimus. Decernimus ergo &c. Datum Laterani VIII. Kal. Iunij.

EIS DEM.

Epist. 73.
De privilegiis confirmatione.

EX pastoralis officij debito provoco camur religiosam vitam eligentibus apostolicum &c. Eapropter, dilecti in Domino filij &c. usque ad verbum iuscipimus. Ad hæc, ut devotius piis operibus insistatis, vobis auctoritate præsentium indulgemus ut non liceat alicui in vos vel in monasterium vestrum sine manifesta & rationabili causa excommunicationis aut interdicti lententiam promulgare. De novalibus vero quæ propriis manibus aut sumptibus colitis, aut de vestrorum animalium nutrimentis, sive de hortis, & virgultis, aut pificationibus vestris, nullus à vobis decimas exigere vel extorquere præsumat, sed eas eleemosynæ aut pauperibus monasterij vestri, juxta quod tu, fili Abbas, postulasti à nobis, præcepimus assignari. Decernimus ergo &c. Datum ut suprà.

VGONI ABBATI MONASTERII
sancti Petri de insula Arben. ejusque
fratribus tam præsentibus quam futuris
monasticam vitam professus in perpetuum.

PIÆ postulatio voluntatis &c. usque ad verbum ordo monasticus, qui secundum Deum & beati Benedicti regulam &c. usque ad verbum vocabulam. Locum ipsum in quo præfata Ecclesia sita est, cum omnibus pertinentiis & appendiciis suis, & terminis, qui sic distinguntur. Primitus à capite maceriae à monte usque ad rivum descendendo, per rivum usque ad mare, & per mare ad molendina; & ascendendo per montis verticem, & eundo per illum usque in priora confinia. Ecclesiam sancti Cypriani, cum pertinentiis & appendiciis suis, & terminis, qui sic distinguntur. A valle obscura usque in vallem de Frasnu, aliae tres partes mare circumdant, una cum manna omnibusque scopolis, ad istud promontorium subjacentia, & valles quæ sunt apud sanctum Cyprianum, & aliae quæ sunt apud sanctum Petrum, inter quas salinæ vestrae & piscariae consistunt. Sanè novalium &c. Liceat quoque &c. Prohibemus insuper &c. Cum autem generale &c. Sepulturam quoque &c. Salva tamen &c. Obeunte verò &c. Libertates &c. Decernimus &c. Salva apostolicae sedis auctoritate, & dioecesi Episcopi canonica iustitia. Si qua igitur &c. Datum Laterani per manum Rinaldi Domini Papæ Notarij, Cancellerij vicem agentis, VIII. Kal. Iunij, Indictione secunda, incarnationis dominicae anno M CXCIX. pontificatus verò Domini Innocentij Papæ tertij anno secundo.

COMPOSTELLANO ARCHIEPISCOPO, & universis Episcopis in regno Legionen. constitutis.

ET si necesse sit ut scandala veniant, evadat tamen est homini illi per quem scandalum venit. Quot enim turbationes & scandala diebus nostris orbi super venerint universo, hodie plus experimur in facto, quam scriptum reperiamus in libro. Necesse est autem ut veniant scandala, non solùm scilicet inevitabile, sed & urile: quoniam in quo deficit malus, proficit bonus, & aurum in fornace probatur. Inter cetera verò in quibus scandalizatur hodie populus Christianus,

Epist. 75.
Ut per excommunicationis & interdicti lententiam legonis & Regis Castellæ filia, in gradu prohibito copulari, separari.

Cap. Et si occidit. De donat. inter vir. & uxorem.